

345

184



Broj: 03-03-05-8246/16
Sarajevo, 16.03.2016. godine

KANTON SARAJEVO
SLUŽBA ZA SKUPŠTINSKE POSLOVE

PREDMET: Odgovor na poslaničku inicijativu zastupnika Aljović Hameda, dostavlja se -

Na dvanaestoj redovnoj sjednici Skupštine Kantona Sarajevo održanoj dana 29.02.2016. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Hamed Aljović pokrenuo je zastupničku inicijativu, koja glasi:

"Da Ministarstvo pravde i uprave Kantona Sarajevo u skladu sa članom 47. Zakona o udruženjima i fondacijama ("Službene novine Federacije Bosne i Hercegovine", broj 45/02) izvrši nadzor nad zakonitošću rada ne registrovanog "Samostalnog sindikata osnovnog obrazovanja i odgoja F BiH – Kantonalni odbor SSOOiO Kantona Sarajevo" i o tome pismeno obavijesti Skupštinu Kantona Sarajevo."

U inicijativi je dalje navedeno da ukoliko Ministarstvo pravde i uprave Kantona Sarajevo smatra da se na navedeni "Sindikat" ne može primjeniti član 47. Zakona o udruženjima i fondacijama inicijativu prosljedi Tužilaštvu Kantona Sarajevo.

Razmatrajući poslaničku inicijativu zastupnika Aljović Hameda Ministarstvo pravde i uprave Kantona Sarajevo daje:

ODGOVOR:

Odredbama člana 47. Zakona o udruženjima i fondacijama ("Službene novine Federacije Bosne i Hercegovine", broj 45/02) je propisano koji organi vrše nadzor nad radom udruženja i fondacija, koji glasi:

"Član 47.

Nadzor nad zakonitošću rada udruženja i fondacija vrši nadležni federalni odnosno kantonalni organ uprave u čije područje spada praćenje stanja u oblasti na koju se odnosi djelatnost udruženja ili fondacije."

Međutim, odredbama člana 10a. Zakona o radu ("Službene novine Federacije Bosne i Hercegovine", br. 43/99, 32/00 i 29/03) je propisana zabrana mješanja u uspostavljanje, funkcionisanje ili upravljanje sindikatom, koji glasi:

"Član 10a.

Poslodavcima ili udruženjima poslodavaca koji djeluju u sopstveno ime ili putem nekog drugog lica, člana ili zastupnika zabranjuje se:


1. mješanje u uspostavljanje, funkcionisanje ili upravljanje sindikatom;
2. zagovaranje ili pružanje pomoći sindikatu sa ciljem kontroliranja takvog sindikata."

Imajući u vidu navedene odredbe Zakona, Ministarstvo pravde i uprave Kantona Sarajevo nema pravnog osnova da postupi po podnesenoj inicijativi da izvrši nadzor nad

zakonitošću rada Samostalnog sindikata osnovnog obrazovanja i odgoja F BiH – Kantonalni odbor SSOOiO Kantona Sarajevo.

Također, postupajući po podnesenoj inicijativi zastupnika Aljović Hameda, istu dostavlja Tužilaštvu Kantona Sarajevo.

S poštovanjem,



Dostaviti:

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. Tužilaštvu Kantona Sarajevo,
4. a/a.



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

